

**Javna ustanova Opća bolnica
„Prim dr Abdulah Nakaš“ Sarajevo,**
Adresa: Kranjčevićeva 12 Sarajevo
koju zastupa direktor Prim dr Zlatko Kravić,
Identifikacioni broj: 4200288400001
(u daljem tekstu: "Naručilac"),

i

"ASA OSIGURANJE" d.d. Sarajevo,
Adresa: Trg međunarodnog prijateljstva broj 25, 71000 Sarajevo
koga zastupa direktor Feđa Morankić
Broj rješenja: 065-0-RegZ-17-003537
Identifikacioni broj: 4201261240009
Transakcijski račun broj: 13461010000166141
Naziv banke Davaoca usluga: ASA Banka d.d.
(u daljem tekstu: "Davalac")
zaključili su

U G O V O R
o nabavci usluga osiguranja od opće odgovornosti i
osiguranje od profesionalne odgovornosti ljekara

Član 1.

PREDMET OVOG UGOVORA JE PRUŽANJE USLUGA:

OSIGURANJE OD OPĆE ODGOVORNOSTI I OSIGURANJE OD PROFESIONALNE ODGOVORNOSTI LJEKARA – LOT 2 prema ponudi broj I-3006/17 od 31.05.2017. godine, a prema Odluci o odabiru najpovoljnijeg ponuđača broj 2362-9/17 od 09.06.2017. godine, po pozivu za Otvoreni postupak objavljenom na portalu javne nabavke dana 18.05.2017. godine, a nakon provedenog otvorenog postupka za nabavku usluga osiguranja od opće (civilne) odgovornosti i osiguranje od profesionalne odgovornosti ljekara
Lot - 2. Ponuda iz stava 1. ovog člana je sastavni dio Ugovora.

Član 2.

Predmet ovog Ugovora je osiguranje Naručioca od opće (civilne) odgovornosti i osiguranje od profesionalne odgovornosti ljekara Naručioca, u svemu prema tehničkoj specifikaciji koja je prilog ovog ugovora.

Osiguranje nezgode se sastoji od:

- a) Osiguranja od opće (civilne) odgovornosti;
- b) Osiguranje od profesionalne odgovornosti ljekara;

Sastavni dio ovog ugovora je i tehnička specifikacija, koja je prilog 2. ovog ugovora;

CIJENA

Član 3.

Cijene stavki (premije i jedinične cijene) predmeta nabavke ponuđene u postupku za sklapanje ovog ugovora su nepromjenjive.

Maksimalna vrijednost ovog Ugovora je vrijednost Ponude najpovoljnijeg ponuđača, odnosno 28.948,00 KM bez uračunatog PDV-a.

Ponuđač nije u sistemu PDV-a.

ROK ISPORUKE I NASTANAK OBAVEZE PLAĆANJA

Član 4.

Ugovor se sklapa na razdoblje od 12 mjeseci i tokom navednog razdoblja predviđa se, izdavanje police osiguranja za određeno vremensko razdoblje prema količinama i vrsti usluge specificirane u TD koja se nalazi u prilogu ovog Ugovora i čini njegov sastavni dio. Isporuka usluga iz člana 1. Ugovora je od momenta potpisivanja ugovora.

Član 5.

Obaveza plaćanja nastaje danom otpočinjanja pružanja usluga osiguranja.

NAČIN PLAĆANJA

Član 6.

Davalac izdaje fakturu čiji je prilog polica osiguranja potpisana od strane ovlaštenog predstavnika Naručioca i Davaoca.

Davalac usluga se obvezuje ukupnu godišnju premiju na temelju svih sklopljenih polica po ovom sporazumu podijeliti na 12 jednakih rata, te ih mjesečno kao račune ispostavljati Naručitelju usluga, osim u slučajevima gdje je reguliran drugačiji postupak plaćanja na temelju pozitivnih zakonskih propisa.

Plaćanje dospjelih rata se vrši u roku od 30 dana na transakcijski račun Davaoca.

BANKOVNE GARANCIJE ZA OSIGURANJE IZVRŠENJA UGOVORENIH OBAVEZA

Član 7.

Davalac je, u smislu osiguranja izvršenja obaveza po ovom ugovoru, obavezan Naručiocu dostaviti sljedeću безусловnu originalnu bankarsku garanciju (prema obrascu utvrđenom od strane Naručioca):

garanciju za uredno izvršenje ugovora / dobro izvršenje posla u iznosu 10% ukupne vrijednosti Ugovora sa uračunatim PDV-om, sa rokom važnosti garancije: rok izvršenja ugovora + 30 dana;

Davalac će garanciju iz prethodnog stava dostaviti u roku od 10 dana od dana zaključivanja ovog ugovora / obostranog potpisivanja ovog ugovora.

Garancija za uredno izvršenje ugovora dostavlja se u originalu. Garancija ne smije biti ni na koji način oštećena (bušenjem i sl.) jer probušena ili oštećena garancija se ne može naplatiti. Ukoliko garancija za uredno izvršenje ugovora nije dostavljena na propisan način, shodno uslovima iz tenderske dokumentacije i u roku iz prethodnog stava, zaključeni ugovor će se smatrati apsolutno ništavim.

OBIM POKRIĆA I ŠTETE

Član 8.

Na osnovu ovog Ugovora ugovorne strane će zaključiti pojedinačne ugovore/police osiguranja, o pružanju usluga osiguranja od opće odgovornosti i osiguranje od profesionalne odgovornosti

ljekara, pod uslovom utvrđenim tenderskom dokumentacijom, prihvaćenoj ponudi i u skladu sa važećim propisima koji reguliraju ovu oblast.

Davalac usluga se obavezuje izvršiti osiguranje svih novozaposlenih ljekara za koje Naručilac usluga naknadno to zatraži, po uslovima iz prihvaćene ponude (premijska stopa i popust). Davalac usluga se obavezuje da će svaku nastalu i prijavljenu štetu isplatiti u skladu sa dobrim osiguravateljnim običajima, najkasnije od 15 dana od dana kada je obostrano potpisan sporazum o vansudskoj nagodbi, odnosno 15 dana od dana kada je presuda postala pravosnažna.

Naručilac i Davalac su saglasni da će sve aktivnosti i svu komunikaciju uključujući i prijave, dokumentovanja i likvidacije štete u ime i za račun Naručioaca voditi i koordinirati broker u osiguranju Brokers Team d.o.o. Sarajevo.

IZMJENE I DOPUNE

Član 9.

Izmjene i dopune ovog ugovora mogu se vršiti samo pismenim putem. Naknadni aneksi i protokoli mogu mjenjati ili dopunjavati ovaj ugovor pod uslovom da su ga potpisali ovlašteni predstavnici ugovornih strana.

SPOROVI

Član 10.

Eventualne sporove koji bi mogli nastati iz ovog ugovora, Ugovorene strane će pokušati da riješe sporazumno. Ukoliko ugovorene strane ne postignu sporazumno rješenje, za nastale sporove nadležan je sud u Sarajevu.

RASKID UGOVORA

Član 11.

Otkaz ovog Ugovora daje se preporučenim pismom, a ugovor se može raskinuti sa otkaznim rokom od 30 dana. U slučaju raskida ugovora, ugovorne strane će izmiriti sve svoje obaveze nastale od dana raskida Ugovora. Rok trajanja ugovora je 12 (dvanaest) mjeseci od momenta potpisivanja ugovora.

Član 12.

Sastavni dio ovog Ugovora je Ponuda broj I-3006/17 od 31.05.2017. godine i tehnička specifikacija.

ZAVRŠNE ODREDBE

Član 13.

Ugovor je sačinjen u 4 (četiri) istovjetna primjerka od kojih svaka ugovorna strana zadržava po 2 (dva) primjerka.

Ugovor stupa na snagu datumom obostranog potpisivanja.

PRIPREMILA:
Amira Petrović, BA općeg prava
Referent za pravne poslove

KONTROLISALA:
Sedeta Hrustemović, dipl.ing.
Koordinator za javne nabavke

Davalac:

„ASA OSIGURANJE“ d.d. Sarajevo

DIREKTOR

Feda Morankić

Br prot.: 1-1073/17
Sarajevo, 16. 06. 2017. godine

Asopić

Naručilac:

J.U. Opća bolnica

„Prim. dr. Abdulah Nakaš“

DIREKTOR

Prim. dr. Zlatko Kravić

Broj prot: 2362-11/17
Sarajevo, 09.06.2017. godine